

Մ աշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ
WWW.SOURPHAGOP.ORG (12-րդ տարի)

Այս թիւով.....

Փոխան խմբագրականի՝
Ի՞նչ է Սրբութիւնը - Ո՞վ է Սուրբը Էջ 2

Նոյեմբեր ամսուան բացատրական
բառարան Էջ 4-8

Տօն՝ Սուրբ Առաքեալներու
Անդրեասի եւ Փիլիպպոսի
Ամենայն Սրբոց
Սուրբ Յովհան Ոսկեբերան
Յիսնակ
Սուրբ Գրիգոր Սքանչելագործ
Սուրբ Հրեշտակապետերու
Գարրիելի եւ Միքայելի
Սուրբ Նիկողայոս Զմիւռնացի՝
սքանչելագործ հայրապետը

Դ. Ե. Զ. Էջ 9-11

Անմոռանալի Յոյս Էջ 12

Յիսուսի ընտանիքը Էջ 13

Տէրը Էջ 14

Ս. Կոյսի տաճար ընծայումը Էջ 15

Եզակի գիրեր Էջ 15

Ո՞րն է ճիշդ պատասխանը Էջ 16-19

Կիրակնօրեայի գործունեութիւն Էջ 16

Նոյեմբեր 2012 (Ի տարի թիւ 3)



Հ... Հրեշտակապետ

Խաչքարի Հեղինակ՝ Ժողովրդական
Վարպետ, Ռուբեն Նալբանդյան

Ամսուան Համարները

«Արդ, ով որ իր անձը այս ամսուակին պէս
կը խոնարհեցնէ՝ անիկա է մեծը երկինքի
արքայութեան մէջ»: *Մատթէոս 18.4*

«Զգո՛ւ յշ, մի՛ արհամարհէք այս փոքրիկներէն
մէկը. գիտցէք, որ անոնց հրեշտակները
երկինքի մէջ միշտ կը տեսնեն իմ երկնաւոր
Հայրս»: *Մատթէոս 18.10*

Փոխան խմբագրականի

Վերջերս, մեր ձեռքը անցավ դասախօսական շարք մը, Սրբութեան մասին, որ տրուած է 1984-ին Անթիլիասի մայրավանքին մէջ: Այս եւ յաջորդող թիւերուն մէջ, համառօտաբար պիտի ներկայացնենք այդ դասախօսութիւններէն մէկ քանին:

Ի՞նչ է Սրբութիւնը - Ո՞վ է Սուրբը

Սրբութիւնը հազուագիւտ առաքինութիւն մըն է. անմատչելի, անմերձենալի բարձրութիւն մը: Շատ քիչեր, բացառիկ անձեր, Աստուծոյ մէկ մասնատր շնորհով օժտուած անհատներ կեանքի այդ բարձրագոյն կէտին կը հասնին:

Սրբութիւնը այս դարու, մեր ժամանակներու յատուկ երեւոյթ մը չէ. այլ կը պատկանի հին դարերուն, կու գայ անցեալէն: Արժեւորուած երեւոյթ մըն է նաեւ ճիշդ անոր համար որ այդ հնութեան կնիքը ունի իր վրայ: Սուրբերը անցեալին կը պատկանին: Որովհետեւ անցեալ դարերը կրօնագգած մթնոլորտով ներթափանցուած, հաւատքի գաղափարով եւ զգացումով տիրապետուած էին, մինչ ներկայ ժամանակները, գիտութեան, թեքնիքի, հաճոյքի, նիւթական առաւելութեանց տուեալներով են նուաճուած եւ տեղ չեն տար սրբութեան գաղափարին եւ վիճակին:

Սրբութիւնը Աստուծոյ պատկանող ստորոգելի մըն է. Սուրբը, Աստուած ինքն է. Սրբութեան աղբիւրը իրմէ կը բխի: Մարդ էակին սրբութիւնը Աստուծոյ սրբութեան ճառագայթումն է իր անձին մէջ կամ հաղորդութիւնը անոր հետ: Մարդ սուրբ է յարաբերաբար Աստուծոյ, այսինքն՝ Աստուծոյ որպէս անոր բացուած եւ անոր ներկայութեան զգացումով ներթափանցուած անձ մը:

Սրբութիւնը ունի երկու անբաժան երեսներ, նոյն էութեան ըլլալու տարբեր կերպեր, արտայայտութեան ձեւի տարբեր եղանակներ.

ա. Ներանձնական ապրում - մարդու հոգիին մէջ խաղաղութեան այն ներքին վիճակը ուր հոգեկան յագեցումը զգացումը կը տիրապետէ. օրինակ գիտակից հաւատացեալ մարդու մը համար՝ երբ ան սուրբ հաղորդութիւն կը ստանայ եւ ժողովրդական բացատրութեամբ կը «մաքրուի», «կը թեթեւայ»: Երջանկութեան պայմանն է այս:

բ. Արտաքնային ճառագայթում - որ այդ ներքին հոգեկան խաղաղութենէն, աստուածային ներգործութենէն գոյութիւն առնող բարոյական կենցաղակերպն ու գործելակերպն է, որոնցմէ բարութիւնը, ծառայութիւնը այնպէս կը բխին, ինչպէս ճառագայթը արեւէն:

Երկու կերպերն ալ կրնան ունենալ չափազանցութեան զացող իրենց արտայայտութիւնները: Սակայն ոչ մէկը կրնայ կտրուիլ արտայայտութեան «արտաքին» պահանջէն, ոչ ալ միւսը ներանձնական հոգեկանութենէն: Այդպիսի պարագաներուն, մէկը կրնայ տանիլ անհատակեղորոնութեան փորձութեան, (որ հակաքրիստոնէական է), եւ միւսը կրնայ առաջնորդել շարժուն գործունէապաշտութեան մը (activism) անձնակեղորոն եւ անձնաքարոզ վտանգին:

Այս հասկացողութեամբ, սրբութիւնը առանձնաշնորհումը չէ որոշ անձերու, այլ բոլորին կոչումն է: Ուրիշ խօսքով՝ սրբութիւնը պէտք չէ այնպէս ըմբռնել որ եկեղեցւոյ մէջ զետեղուած պատկերին հետ նոյնացուի...:

Բնականօրէն, որոշ անձերու մէջ սրբութեան ներկայութիւնը, Աստուծոյ հետ հաղորդութիւնը այնքան շեշտուած եւ ճառագայթուն նկարագիր եւ տարողութիւն կ'ունենայ, որ եկեղեցին զանոնք յատուկ յարգանքի կ'արժանացնէ որպէս ներշնչման աղբիւր, որպէս բարեխօս առ Աստուած: Ահա ասոնք են որ տօնելի սուրբեր կը նկատուին եւ յատուկ օրեր եւ արարողութիւններ կը սահմանուին, շարականներ կը յօրինուին, անոնց մէջէն որոշակի եւ ուժգնօրէն արտայայտնուող սրբութիւնը պանծացնելու եւ զայն հաւատացեալներու կեանքին մէջ ձգտումի եւ ներշնչումի վերածելու նպատակով: Պատկերաւոր բացատրութեամբ կրնանք ըսել թէ՛ պարզ մարդիկ, որոնք սրբութեան

վիճակ կ'ապրին կը նմանին մոմերու, եկեղեցոյ կողմէ հոշակուած եւ տօնուած սուրբերը կը նմանին փարոսներու...:

Հաւատացեալներ սրբութեան ձգտումը իրենց մէջ պէտք է արտայայտեն առանց այն վախին կամ վերապահութեան, ըստ որուն սրբութիւնը իրենց չի պատկանիր, իրենց համար մատչելի չէ, այլ միայն ընտրեալներու յատուկ կենսավիճակ եւ առանձնաշնորհ:

* * *

Սրբութիւնը մարդկային կեանքին մէջէն կ'անցնի: Հետեւաբար, իրարտայայտութեան, իր մարդկայնօրէն գոյաւորման ընթացքին եւ պատկերին մէջ որոշ յարաբերականութիւն մը կը ներկայացնէ: Պարզ խօսքով՝ սրբութիւնը չէ կարելի մարդկայնօրէն ապրիլ իր բացարձակութեան մէջ: Այդ, միայն Աստուծոյ կը պատկանի: Մարդը՝ ինք, մեղանչական իր բնութեամբ, սրբութիւնը կ'ապրի իր մարդկային պայմաններու սահմաններուն մէջ: Սայթաքումը, մեղքէ այցելուիլը մարդկային է. չկայ բացարձակապէս անմեղ, սրբութեանը մէջ գուտ, բիրեղ, կատարեալ, բացարձակ մարդ: Բայց էականը մեղքէն այցելուիլը չէ այնքան որքան մեղքէն չընկճուիլը եւ, ընդհակառակը, անոր ընճկուիլը անձին կողմէ, վերաբիրեղացման իր ջանքովը, սրբութեան իր ձգտումովու վերագտնումովը իր հոգեկան ներաշխարհին եւ ընկերային կեանքին մէջ: Այստե՛ղ է ուր ապաշխարութեան խորհուրդը կը գտնէ իր բուն իմաստը որպէս հոգեկան արթնացման շարունակական ընթացք մարդու կեանքին մէջ:

Սրբութիւնը անցեալի երեւոյթ չէ: Հնութիւն կը բուրէ մեր եկեղեցոյ կողմէ տօնելի նկատուած սուրբերու պատմական դէմքեր ըլլալուն այսօրուան իրողութեամբը: Բայց մենք ունինք նաեւ յիշատակելի սուրբեր, որոնց կ'անդրադառնանք յաճախ մեր ազգային-եկեղեցական կեանքին մէջ: Անհրաժեշտ է, եւ մեծապէս հոգեշէն ազդեցութիւն կ'ունենայ, եթէ մեր եկեղեցին իր ցարդ տօնելի նկատած սուրբերու շարքին դասէ այնպիսի անձեր, որոնք սրբութեան վիճակին ակնառու արտայայտիչներ են եղած վերջին դարերուն:

Աստուծոյ շնորհքը, աստուածային սրբութեան ճառագայթումը մշտաբունի ներգործութիւն մըն է: Ժամանակով եւ տեղով, ազգութեամբ եւ դասակարգով չի սահմանուիր ան: Հետեւաբար, սրբութեան գաղափարին եւ կենսավիճակին վերարծարծումի եւ զգայնացումի նպաստող մեծ բարիք մը կ'ըլլայ նոր սուրբերուն կեանքի օրինակին վերարծարծումը մեր ժողովուրդի կեանքին մէջ:

* * *

Վերջապէս, սրբութիւնը պէտք չէ ըմբռնել որպէս կենցաղակերպի արտաքին որոշ ձեւերու հետ կապուած երեւոյթ, եւ առհասարակ որպէս խուսափում այնպիսի կենցաղակերպերէ, որոնք արդիականութեան անունով կը նկատուին անյարիր սրբութեան գաղափարին հետ:

Էականը կերպին մէջ հոգին տիրապետող դարձնելն է: Որովհետեւ կերպը առանց հոգիին, կենցաղի արտաքին եղանակները առանց սրբութեան զգացումին ներգործութեան կրնան դառնալ ինքնավախճան եւ յաճախ մեղքի ճամբայ, մանաւանդ այնպիսի աշխարհի մը մէջ, ուր մարդուն գիտական եւ ճարտարարուեստական նուաճումները դիւրակեցութեան, հեշտակենցաղութեան եւ նիւթին տիրապետութեան տուեալներով դարձած է այնքան փորձիչ:

Սրբութեան կոչումը կը փսայ՛ կոչում. սրբութեան կարելիութիւնը կը փսայ՛ կարելիութիւն:

Մարդուն կը փսայ զայն իրողութեան վերածել, Աստուծոյ ներգործութիւնը իր մէջ կենդանի եւ ստեղծարար պահելով, այսինքն՝ ինքզինք միշտ ի հաղորդութեան դնելով, Աստուծոյ Աղբիւրին հետ:

27 Յունուար, 1984

Գարեգին Բ. Կաթողիկոս
Անթիլիաս

Նոյեմբեր ամսուան բացատրական տօնացոյց

Եջ. 1	Ս. Յովհան Ոսկեբերան Հայրապետ
Շբթ. 3	Տօն՝ Ամենայն Սրբոց
Շբթ. 10	Տօն՝ Սուրբ Հրեշտակապետերու Գաբրիէլի եւ Միքայէլի
Շբթ. 17	Տօն՝ Սուրբ Առաքեալներու Անդրեասի եւ Փիլիպպոսի
Կիր. 18	Բարեկենդան Յիսնակի Պահոց
Բջ. 19	Ա. օր Յիսնակի Պահոց
Դջ. 21	Սբ. Կոյսի Տաճար Ընծայում,
Շբթ. 24	Սրբոցն Գրիգոր եւ Նիկողայոսի Սքանչելագործ Հայրապետացն Պահքի Օրեր :2,4,11, 16, 18, 21, 22, 23, 24, 25,

Տօն՝ Սուրբ Առաքեալներու Անդրեասի եւ Փիլիպպոսի

Անդրեաս առաքեալը Պետրոս առաքեալի եղբայրն էր, որ իրեն պէս ձկնորս էր: Սկիզբը, Անդրեասը աշակերտած է Ս. Յովհաննէս Մկրտիչին եւ Յիսուսը գտնելէ ետք, անմիջապէս իր եղբայրը Պետրոսը գտած ու ըսած է անոր. «Մեսիան գտանք» (Յովհ. 1.35-42): Ըստ աւանդութեան, Ս. Անդրեաս առաքեալ կը քարոզէ Յունաստանի եւ փոքր Ասիոյ մէջ եւ կը նահատակուի **X** ձեռով խաչի մահով, Յունաստանի մէջ:

Փիլիպպոս առաքեալը Բերսայիդէն էր, Անդրեասի եւ Պետրոսի քաղաքէն: Յիսուս էր որ երբ Գալիլիա գացած ատեն Փիլիպպոսը տեսաւ, անոր ըսաւ. «Հետեւէ՛ ինձի»: Անդրեասն ալ իր կարգին գտաւ Բարթողոմէոսը՝ «Նաթանայէլը» եւ զայն Յիսուսի ներկայացուց (Յովհ. 1.43-51): Ըստ աւանդութեան կը նահատակուի Եփեսոսի մէջ խաչի մահով:

Հայաստանեայց Եկեղեցին Ս. Անդրեասի եւ Ս. Փիլիպպոսի յիշատակը կը տօնէ Խաչի 9-րդ Կիրակիին յաջորդող Շաբաթ օրը:

Տօն՝ Ամենայն Սրբոց (բոլոր սուրբերուն՝ հիներուն եւ նորերուն, յայտնիներուն եւ անյայտներուն)

Հայ Եկեղեցին այս տօնով կը նշէ բոլոր այն սուրբերուն յիշատակը, որոնց անունները չեն անցած Տօնացոյցի կամ եկեղեցական օրացոյցի մէջ, սակայն անոնց սուրբ անունները գրուած են Երկնքի արքայութեան սրբազան մատեանին մէջ:

Քրիստոնէական հալածանքներու եւ հաւատքի համար մղուած բազմաթիւ պատերազմներու ժամանակ շատեր նահատակուած են, որոնց անունները, ցաւով, չեն պահպանուած եւ չեն հասած մեզի: Ուստի, եկեղեցին հաստատած է այս նուիրական տօնը անոնց յիշատակը ոգեկոչելու համար: Անձեր, որոնք իրենց թանկ արիւնը հեղեցին յանուն Քրիստոսի եւ անոր խորհրդաւոր մարմնի՝ եկեղեցւոյ շինութեան համար:

Տօնին թուականը Նոյեմբերի 1-ի ամենամօտ Շաբաթ օրն է:

Սուրբ Յովհան Ոսկեբերան (344/54-407 թթ.)



Սուրբ Յովհան Ոսկեբերանը, որուն տօնը այս տարի Նոյեմբեր 1-ին կը տօնենք, ընդհանրական եկեղեցւոյ տասներկու վարդապետներէն մէկն է: Ծնած է Անտիոքի մէջ, ազնուական ընտանիքի մէջ, ազգութեամբ՝ ասորի: Հայրը մահացած է երբ ան տակաւին մանուկ էր: Մօր բարի խնամքին շնորհիւ ստացած է լաւ կրթութիւն՝ ուսանելով ժամանակի հռչակաւոր հռետոր եւ ճարտասան Լիբանիոսի մօտ:

380 թուականին Մելիտոս եպիսկոպոսի թախանձագին հարկադրանքով սարկաւազ կը ձեռնադրուի: 386 թուականին Մելիտոսին յաջորդած Փլաբիանոս հայրապետը զայն քահանայ կը ձեռնադրէ:

397 թուականին կը վախճանի Կոստանդնուպոլսոյ Նեկտարիոս պատրիարքը, Արկադիոս կայսրը, տեղեակ ըլլալով սուրբ Յովհան Ոսկեբերանի համբաւի մասին, կը պատուիրէ, որ զայն անմիջապէս, անաղմուկ բերեն Կոստանդնուպոլիս՝ պատրիարք ձեռնադրելու: 398 թուականին տեղի կ'ունենայ անոր ձեռնադրութիւնը:

Իր հօտին նուիրուած հովիւր ոչ միայն քաղցրութեամբ կը խրատէր, այլ երբեմն՝ յանդիմանութեամբ. այդ էր պատճառը, որ շուտով անուանի հայրապետը շատ հակառակորդներ կ'ունենայ: Այդ հակառակորդներու շարքին մէջ էր նաեւ Եւդոքսիա թագուհին, որ կը յանդիմանուէր հայրապետի կողմէ արքունական յոռի բարքերու պատճառով: Իր թշնամիներու սադրանքով 403 թուականին ան կ'աքսորուի, սակայն վախնալով ժողովուրդի ցասումէն և այդ օրերուն տեղի ունեցած երկրաշարժէն արքունիքը ետ կը բերէ հայրապետը: 404 թուականին Ս. Յովհան Ոսկեբերանը դարձեալ կ'աքսորուի

Կիլիկիոյ Կոկիսոն քաղաքը, աւելի ուշ՝ Բիւզանդիա: Չդիմանալով ճանապարհի դժուարութիւններուն՝ 407 թուականին կը մահանայ: Անոր արտասանած վերջին բառերն են. «Փա՛ռք քեզ, Աստուա՛ճ, փա՛ռք քեզ, ամէն ինչի համար փա՛ռք քեզ»:

438թ. սուրբի մարմինը մեծ հանդիսաւորութեամբ կը բերուի եւ կ'ամփոփուի Կ. Պոլսոյ Ս. Առաքելոց եկեղեցւոյ մէջ:

Ընդհանրական եկեղեցւոյ այս անխոնջ մշակի ոսկեբերան խօսքերը դարեր շարունակ առաջնորդած եւ կրթած են բազում եկեղեցական սերունդներ: Անոր խօսքերէն կատարուած մէջբերումներու կը հանդիպինք ամենուրեք: Ան յայտնի է իր Աստուածաշունչ մատենանի գիրքերու մեկնութիւններով: Բազմատեսակ է անոր մատենագրական վաստակը՝ մեկնութիւններ, ճառեր, ներբողներ, թուղթեր և այլն, որոնք իրենց բարերար ազդեցութիւնը ունեցած են քրիստոնէական մտքի պատմութեան վրայ: Անոր գործերը հայերէնի թարգմանուած են՝ արդէն իսկ իր կենդանութեան օրերուն:

Հայ Առաքելական Եկեղեցին Ս. Յովհան Ոսկեբերանի յիշատակը ամէն տարի կը տօնէ երկու անգամ, նախ՝ Տասներկու վարդապետներու շարքին՝ Խաչվերացի Ջ. Կիրակիին յաջորդող շաբաթ օրը, ապա, առանձին՝ Խաչվերացի Է. Կիրակիին յաջորդող շաբաթ օրը:



Հրեշտակներու քանդակներ Աղթամարի Սուրբ Խաչ եկեղեցոյ ճակատին

Յիսնակ

Յիսնակը, 50 օրերու միջոց մըն է, որուն ընթացքին կը պատրաստուինք տօնելու Յիսուսի ծնունդն ու աստուածայայտնութիւնը, որ տեղի կ'ունենայ Յունուար 6-ին: Յունուար 6-էն 50 օրեր ետեւ հաշուելով կը հասնինք Նոյեմբեր 18-ին, հետեւաբար այդ թուականին ամենէն մօտ Կիրակին Յիսնակի Բարեկենդանն է:

Կար ժամանակ, երբ Յիսնակի ամբողջ տետղութեան պահք կը պահուէր, Ս. Յարութեան նախորդող մեծ պահքին պէս: Սակայն ներկայիս սովորական Չորեքշաբթիի եւ Ուրբաթի պահքերէն զատ երեք շաբաթներու վերածուեր է Յիսնակի Պահքը: Առաջին շաբաթը Յիսնակի Պահք, Դեկտեմբերին՝ Ս. Յակոբի պահք, իսկ Յունուարին՝ Ս. Ծննդեան պահք:

Սուրբ Գրիգոր Սքանչելագործ



Ս. Գրիգոր Սքանչելագործը ծնած է Պոնտոսի (Սեբաստիա) Նեոկեսարիա քաղաքին, ազնուական ընտանիքի մը մէջ, շուրջ 210 թ.: Գրիգորը մտադիր էր հմտանալ օրէնսգիտութեան և հռետորութեան մէջ, սակայն Աստուած անոր եւ իր եղբօր համար այլ ճանապարհ նախասահմանած էր, անոնք ուսում ստացան Աթենքի մէջ, ապա Պաղեստինեան Կեսարիա քաղաքին մէջ, աշակերտելով այն ժամանակուայ ամենահեղինակաւոր քրիստոնէայ մտաւորականին՝ Որոզինեսին: Նեոկեսարիա վերադառնալով՝ ան կը ձեռնադրուի քաղաքի եպիսկոպոս: Աւանդութեան համաձայն, Ս. Գրիգորի եպիսկոպոս ձեռնադրուելու օրերուն Նեոկեսարիոյ մէջ հազիւ 17 քրիստոնէայ կար, իսկ մահուան օրերուն՝ ընդամենը 17 հեթանոս: Իր անուան հետ կապուած բազմաթիւ հրաշքներու համար արժանացած է «Սքանչելագործ» մակդիրին:

Ս. Գրիգոր աչալրջութեամբ կառավարեց թէ՛ իրեն վստահուած թե՛մ ու ժողովուրդը և թէ՛ եղաւ մեծ մատենագիր թողելով բազմաթիւ աստուածաբանական երկեր:

Ան վախճանած է 270 թ. խաղաղ մահուամբ: Հայ Առաքելական Եկեղեցին Ս. Գրիգոր Սքանչելագործի, Նիկողայոս Հայրապետի և Միւռոն եպիսկոպոսի յիշատակը կը տօնէ Ս. Խաչի Ժ. Կիրակիին յաջորդող Շաբաթ օրը:

Սուրբ Հրեշտակապետերու Գաբրիելի եւ Միքայելի Եւ Ողջ Երկնային Զօրքի Յիշատակութեան Օր



Միքայել հրեշտակապետը Իսրայելի ժողովուրդին համար մարտնչելու ընթացքին: Երուսաղէմ, ձեռ. 2027, էջ 4բ, Աստուածաշունչ 1266 թ. Կիլիկիա, ծաղկող Թորոս Ռոսլին

Նոյեմբեր ամսուան առաջին կամ երկրորդ Շաբաթ օրը, Հայց. Եկեղեցին կը յիշատակէ հրեշտակապետներ Գաբրիելի եւ Միքայելի տօնը: Հրեշտակ կը նշանակէ պատգամաւոր, առաքեալ «ղրկուած»: Նախապէս անոր կը տրուէր երկնային դեսպան, պատգամաւոր, եւ կամ սուրհանդակ նշանակութիւնը: Աստուածաշունչը կը վկայէ որ հրեշտակները իբրեւ լուսեղէն՝ ստեղծուած են առաջին օրը, լոյսի հետ միասին: Անոնք ժամանակի ներգործութենէն չեն ազդուիր եւ սեռային յատկանիշներ չունին:

Հայ եկեղեցւոյ հրեշտակաբանութեան համաձայն՝ հրեշտակները անմարմին հոգիներ են. ըմբռնելի, ինքնիշխան, միշտ շարժման մէջ եղող եւ անսեռ: Անոնք անմահ սպասաւորներ են: Ըստ եկեղեցւոյ Սուրբ հայրերուն՝ հրեշտակները իբրեւ լուսեղէն էակներ, ստեղծուած են

արարչագործութեան առաջին օրը՝ լոյսի հետ միասին: Աստուծոյ հրահանգով, անոնք կոչուած են սպասաւորելու մարդ արարածին: Հետեւաբար, անոնք ծառայող հոգիներ են, որոնք երկնաբնակ ըլլալով հանդերձ, իրենց մասնակցութիւնը կը բերեն նաեւ երկրաւոր կեանքի ընթացքին. Անոնք կ'աշխատին ժամանակի եւ տարածքի մէջ, մարդու հետ եւ մարդու համար:

Հրեշտակներուն կը կոչեն նաեւ Աստուծոյ պատգամաւորներ, որոնք կ'իրականացնեն Տիրոջ կամքը: Սուրբ Գիրքը կը վկայէ որ անոնք անհամար են: Ըստ Ս. Դիոնիսիոս Արիսպագացիի՝ անոնք ունին ինը դաս՝ Աթոռներ, Քերովբէներ, Սերովբէներ, Տերութիւններ, Զօրութիւններ, Իշխանութիւններ, Պետութիւններ, Հրեշտակապետեր եւ Հրեշտակներ:

Աստուածաշունչին մէջ հրեշտակներու մասին ակնարկութիւնները շատ են: Անոնք կը ներկայացուին իբրեւ բազմաթիւ, մեծագործ եւ զօրաւոր էակներ: Հին Կտակարանին մէջ անոնք Աստուծոյ ներկայացուցիչները կը նկատուին, միջնորդներ հոգեւոր եւ նիւթեղէն աշխարհներուն միջեւ: Անոնք ունին իրենց ղեկավարները որոնցմէ ամենէն աւելի ծանօթ են Գաբրիէլը եւ Միքայելը: Հին միջնադարեան մանրանկարչութեան մէջ յատկապէս, կը գտնենք Գաբրիէլ հրեշտակապետի պատկերը, Տիրամօր աւետելու ատեն:

Գաբրիէլ անունը, որ կը նշանակէ «Աստուծոյ այր», բարձրեալի անմիջական պաշտօնեան է, որուն վերապահուած է Տիրոջ վերին խորհուրդները տարածելու շնորհը: Այս հրեշտակապետն էր, որ ուղղարկուած էր Տիրոջ կողմէ Ս. Կոյս Մարիամին, հաղորդելու բարի լուրը՝ իսկ Զաքարիային՝ Ս. Յովհաննէս Մկրտիչի ծննդեան աւետիսը:

Միքայել անունը, որ կը նշանակէ «Ո՞վ է Աստուծոյ նման», երկնաւոր Արքայի փառքի եւ անոր ժողովուրդին պաշտպանութեան համար մարտնչողն է. ան՝ որուն տրուած է կառավարելու եւ թագաւորելու շնորհ: Միքայել հրեշտակապետի անունը, չորս անգամ վկայակոչուած է Ս. Գրքին մէջ: (Դան. 10.13, 12.1, Յուդ. 1.9, Յայտ. 12.7):

Սուրբ Նիկողայոս Զմիռնացի՝ սքանչելագործ հայրապետը

Ս. Նիկողայոս Հայրապետը ծնած է Փոքր Ասիոյ Լիկիա գաւառի Բաթարա քաղաքին մէջ (ներկայիս Անթալիայի մօտիկ)։ Փոքր հասակէն կորսնցուցած է մեծահարուստ եւ բարեպաշտ ծնողքը եւ մեծցած է իր մօրեղբօր՝ Նիկողայոս Երեց եպիսկոպոսի խնամքին ներքեւ։ Աւետարանական պատգամը՝ «Ինչ որ ունիս ծախսէ եւ աղքատներուն տուր» (հմմտ. Մտթ. 19.21), իր կեանքի նշանաբանը կը դարձնէ՝ իր խնամքը տարածելով աղքատներուն, հիւանդներուն, բանտարկեալներուն եւ որբերուն վրայ։ Ժողովուրդի կամքով կը դառնայ Զմիռնիոյ եպիսկոպոսը։ Հալածանքներու ընթացքին կ'աքսորուի, սակայն չի դադրիր ամենուրեք Աւետարանը քարոզելէ։ Խաղաղութիւն վերահաստատուելուն պէս կը վերադառնայ իր աթոռը, կը մասնակցի 325 թ. Նիկիոյ Տիեզերական ժողովին։ Կը մահանայ 326թ.։ Ընդհանրական Եկեղեցւոյ ամենասիրուած սուրբերէն է՝ առաւելաբար յայտնի Santa Claus անունով։



Հրեշտակի բարձրաքանդակը Աղթամար վանքի Ս. Խաչ եկեղեցւոյ ճակատին

«Հրեշտակը եւ Ս. Մարիամը» 1330-ի Կիրակոս Աղբակեցիի «Աւետում» մանրանկարը



Դուռն ողորմութեան,
Դաւանողի բաց,
Դասեցո վերնոցն:



Երբեակ միութիւն,
Եղելոց խնամող,
Եւ ինձ ողորմեա:



Զարթի՛ր, Տէր, յօգնէլ,
Զարթո՛ւ գթմբեալս,
Զուարթնց նմանիլ:

Անմոռանալի Յոյս

Աստուածաշունչի մէջ, յոյսի մասին գրուած համարը գտնելու համար վարի ցանկէն սրբէ .

- * պ-ով սկսող բառերը
- * Կենդանիներու անունները
- * երաժշտական գործիքներու անունները
- * փոխադրական միջոցներ:

Ապա, ժառանգութեամբ բառերը ընդօրինակէ վարի գծիկներուն վրայ, սկսելով վերէն, ձախէն աջ:

պարտականութիւն	դաշնակ	առիւծ	պատուհան
մրջիւն	Յիշէ	պայուսակ	ջութակ
թռչուն	բազէ	խոստումդ	պահարան
սրինգ	որ	խոզ	էշ
տուիր	այծ	պաղպաղակ	օդանաւ
պուպրիկ	կիթար	ինծի	շոգեկառք
քու	պարտէզ	նաւ	ծառայիդ
պարոյկ	պատառ	ինքնաշարժ	այն
պէտք	հանրակարք	խոստումը	արջ
որուն	պայքար	սիրամարգ	սագ
վրայ	շոգենաւ	դրի	պիստակ
կով	թիթեռնիկ	յոյսս	քանոն
տհով	պանիր	հրթիռ	պանան

----- , ----- , ----- ,

----- , ----- :



Սաղմոս 119:49



Յիսուսի ընտանիքը

Մատթեոս 12:50

Գիտե՞ի՞ր որ դուն ալ կրնաս Յիսուսի ընտանիքին մաս կազմել:
Թիւերուն հարմարող գիրերը գրէ եւ կարդայ թէ ինչ կ'ըսէ Յիսուս:

14 5 14 8 9 2 17 2 20 14 8 14 5 2 5 13 7 4 20 14 5 9 1 5 6 13 4 19 15 12 13 12

13 4 17 4 5 22 4 7 16 13 4 22 2 3 18 4 17 5 6 15 14 17 5 6 2 20 19 4 17 5 6 :

n	14	p	5	վ	8	ե	2
տ	17	ւ	20	օ	1	ս	6
ա	4	ն	7	կ	13	հ	9
մ	19	ք	15	ը	12	է	22
ի	16	ղ	3	բ	18	յ	17




Չորս ընկերներ

Ղուկասի աւետարանին մէջ կը կարդանք 4 ընկերներու մասին, որոնց մէկ բարեկամը անդամալոյծ էր:

Երբ անոնք լսեցին որ Յիսուս շատ մը հիւանդներ կը բուժէ, ուզեցին իրենց բարեկամը եւս տանիլ Յիսուսի մօտ որ ան ալ բուժուի: Երբ որ հասան այն տան մօտ ուր Յիսուս կը գտնուէր, այնքան խճողում կար որ իրենք ստիպուեցան տանիքէն ծակ մը բանալ ու իրենց բարեկամը այնտեղէն իջեցնել Յիսուսի քով:


Դուն ալ գտիր այն ճամբան որ այս 4 ընկերները առին:



Տէրը

Աստուած մեզ տուած է շատ մը բարիքներ:

Լուծէ վարի տախտակը գրելով թիւին համապատասխանող պտուղի անունը ապա կլորի մէջ առնուած գիրերը շարելով ամբողջացուր վարի համարը:

6 

2 3

1


4

7


6


5


8


3 


1

5 

7 

4 

8 

2 


Գ _ h _ _ թ _ _ _ յայտնեցէք ՏԻՐՈՋ՝ որովհետեւ բարի է:

Սաղմոս 107:1

Մուրբ Կոյսի Տաճար Ընծայումը

Մարիամի ծնողքը ուխտեր էին, որ իրենց զուակը պիտի ընծայեն Տիրոջ: Երբ Մարիամ մեկ տարեկան եղաւ, ծնողքը զինքտաճարտարին Աստուծոյն ընծայելու: Երբ Մարիամ 3 տարեկան եղաւ, ծնողքը դարձեալ զինք տաճար տարաւ մինչեւ Մարիամի 7-րդ տարեդարձը:

Եօթը տարեկանէն սկսեալ, Մարիամը սկսաւ ապրիլ տաճարին մէջ: Անստացաւ Ս. Հոգիին եօթը շնորհները եւ զարդարուեցաւ եօթը առաքինութիւններով: Ան բնակեցաւ տաճարին մէջ իբրեւ անբիծ աղանի, աճեցաւ եւ զարգացաւ հասակով եւ իմաստութեամբ: Մարիամ իր առաքինի վարքով եօթը տարի փասց տաճարին մէջ եւ ամէն օր հոգիով կը կրթուէր պարկեշտութեան մէջ:



ԱՌԻՆՁԻ Ս. Աստուածածին Եկեղեցին 2000թ

Եզակի գիրեր Հայերէն գիրերով Sudoku

բ	դ	գ	զ	է	ա	ը	թ	ւ
ը	զ	ա	ւ	թ	գ	դ	է	բ
է	ւ	թ	դ	ը	բ	ա	զ	գ
դ	զ	ը	է	ւ	թ	բ	զ	ա
զ	է	ւ	բ	ա	ը	փ	դ	գ
թ	ա	բ	զ	զ	դ	է	ւ	ը
ա	թ	դ	ը	զ	զ	ւ	բ	է
զ	ը	է	թ	բ	ւ	զ	ա	դ
ւ	բ	զ	ա	դ	է	զ	ը	թ

		ը				թ		
զ	է						զ	բ
		է	զ		է	ը		
թ				ա				դ
		բ	թ		զ	ա		
ը				բ				զ
		դ	է		ւ	զ		
ա	թ						է	ւ
		զ				դ		

Նախորդ «Եզակի գիրեր»ուն լուծումը

Ամբողջացուր քառակուսիները, գործածելով ա, բ, գ, դ, է, զ, է, ը, թ գիրերը պայմանաւ որ միայն մեկ անգամ գործածես իւրաքանչիւր գիր, իւրաքանչիւր

- . հորիզոնական գիծի վրայ
- . ուղղահայեաց գիծի վրայ եւ
- . իննեակ քառակուսիի մէջ:

Ո՞րն է ճիշդ պատասխանը Մանկապարտեզի անկիւն



Ամէն մարդ կերաւ այնքան որ ուզեց: Եւ ինչ որ աւելցաւ, տասներկու կողով լեցուց:

Ամբողջացո՛ւր ըստ Ղուկասի Աւետարանին 9.14-17 .

հինգ, յիսունական, տասներկու, աչքերը, կշտացան, ձուկը, հացը, կատարեցին

Որովհետեւ շուրջ ----- հազար մարդ կար: Յիսուս
աշակերտներուն ըսաւ.

- Նստեցուցէք զանոնք ----- հոգինոց խումբերով:

Անոնք ----- հրահանգը եւ նստեցուցին բոլորն ալ: Ապա
Յիսուս առաւ հինգ ----- եւ երկու -----, ----- երկինք
բարձրացուց, օրհնեց, կտրեց եւ աշակերտներուն տուաւ որ
բաժնեն ժողովուրդին: Բոլորն ալ կերան ու -----, եւ
աշակերտները աւելցած կտորները հաւաքելով՝
----- սակառ լեցուցին:

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

- 1.- Որո՞ւ տօնը այս տարի կը տօնենք զ. 7
Նոյեմբեր 1-ին:
ա. Ս. Յովհաննէս Ոսկեբերան
Հայրապետ
բ. Ս. Գեորգ
գ. Ս. Անդրէաս եւ Ս. Փիլիպպոս
դ. Բոլոր Սուրբերուն
- 2.- Այս տարի ե՞րբ կը տօնենք Ս. Գաբրիէլ եւ Ս. Միքայէլ
Հրեշտակապետերուն տօնը:
ա. Նոյեմբեր 5
բ. Նոյեմբեր 13
գ. Նոյեմբեր 10
դ. Նոյեմբեր 27
- 3.- Այս տարի ե՞րբ կը տօնենք Սուրբ Առաքեալներու Անդրէասի եւ Փիլիպպոսի տօնը:
ա. Նոյեմբեր 6
բ. Նոյեմբեր 12
գ. Նոյեմբեր 20
դ. Նոյեմբեր 17
- 4.- Ս. Կոյս Մարիամ քանի՞ տարեկանէն սկսեալ սկսաւ Տաճարին մէջ ապրիլ:
ա. 6
բ. 12
գ. 20
դ. 7
- 5.- Յիսնակը, քանի՞ օրերու միջոց մըն է:
ա. 6
բ. 13
գ. 50
- 6.- Քանի՞ հատ են Քրիստոսի Սուրբ Եկեղեցոյ խորհուրդները:
ա. 1
բ. 3
գ. 7
դ. 12
- 7.- Ըսէ՛ մէկ բառով. Ոսկի Բերան Ունեցող:
Ո-----ն
- 8.- Գրէ՛ Հրեշտակապետին անունը:
Մ-----
- 9.- Գրէ՛ Հրեշտակապետին անունը:
Գ-----
- 10.- Ի՞նչ էր Պետրոս Առաքեալին եղբօրը անունը:
ա. Ս. Յովհաննէս Ոսկեբերան
Հայրապետ
բ. Ս. Փիլիպպոս
գ. Ս. Անդրէաս
դ. Ս. Գրիգոր

Ո՞րն է ճիշդ պատասխանը

Նախակրթարան Դ. Ե. և Զ. դասարաններու անկիւն

1.- Որո՞ւ տօնը այս տարի կը տօնենք Նոյեմբեր 17-ին:

- ա. Ս. Յովհաննէս Ոսկեբերան Հայրապետին
- բ. Ս. Գեորգին
- գ. Ս. Անդրէաս եւ Ս. Փիլիպպոսին
- դ. Բոլոր Սուրբերուն

2.- Այս տարի ե՞րբ կը տօնենք Ս. Կոյսին Տաճար ընծայումը:

- ա. Նոյեմբեր 6
- բ. Նոյեմբեր 13
- գ. Նոյեմբեր 21
- դ. Նոյեմբեր 27

3.- Այս տարի ե՞րբ կը տօնենք Սուրբ Գրիգոր Սքանչելագործի տօնը:

- ա. Նոյեմբեր 6
- բ. Նոյեմբեր 13
- գ. Նոյեմբեր 20
- դ. Նոյեմբեր 24

4.- Այս տարի ե՞րբ կը տօնենք Ս. Յովհան Ոսկեբերանի տօնը:

- ա. Նոյեմբեր 6
- բ. Նոյեմբեր 1
- գ. Հոկտեմբեր 20
- դ. Հոկտեմբեր 30

5.- Յիսնակի Բարեկենդանը Նոյեմբերի ո՞ր օրուան ամենէն մօտ Կիրակիին կը հանդիպի:

- ա. 6
- բ. 16
- գ. 18
- դ. 31

6.- Ո՞ր հրեշտակապետին անունին իմաստը «Աստուծոյ այր» է:

- ա. Գաբրիէլ
- բ. Միքայէլ

7.- Ամբողջացո՞ւր:

- Դուռն -----
- Դաւանողիս -----
- Դասեցո -----

8.- Աստուածաշունչին մէջ ո՞ւր կը կարդանք:

«Զգո՛ւ յշ, մի՛ արհամարիէք այս փոքրիկներէն մէկը. գիտցէք, որ անոնց հրեշտակները երկինքի մէջ միշտ կը տեսնեն իմ երկնաւոր Հայրս»:

Աւետարան ըստ Մ-----սի ---

9.- Յիսուս քանի՞ բորոտներ բժշկեց ըստ Ղուկասի 17.11-19-ին:

- ա. 5
- բ. 1
- գ. 12
- դ. 10

10.- Յիսուսի բժշկած բորոտներէն քանի՞ հոգի վերադարձան շնորհակալութիւն յայտնելու:

- ա. 5
- բ. 1
- գ. 12
- դ. 10

Ո՞րն է ճիշդ պատասխանը
Երկրորդականի անկիւն

1.- Որո՞ւ տօնը այս տարի կը տօնենք
Նոյեմբեր 21ին: (2 պատասխան)
ա. Ս. Կոյսի Տաճար ընծայում
բ. Ա. օր Յիսնակի Պահոց
գ. Ս. Անդրեասի եւ Ս. Փիլիպպոսի
դ. Բոլոր Սուրբերուն

բ.
գ.
դ.

2.- Յիսուսի ո՞ր Առաքելը X ձեռով
խաչի մահով մահացաւ:
ա. Մատթէոս
բ. Թադէոս
գ. Բարթողոմէոս
դ. Անդրեաս

6.- Ներկայիս ո՞ւր կը գտնուի Ս.
Թադէի վանքը:

----- Հիւսիս
Արեւմտեան ծայրամասը:

3.- Յիշէ՛ Ընդհանրական Եկեղեցւոյ
12 վարդապետներէն մէկը որուն
յիշատակը տարին 2 անգամ կը
տօնենք:

7.- Ս. Հաղորդութեան ընթացքին, Ս.
Սեղան ընծայուող ո՞ր երկու նիւթերը
կը փոխակերպուին Քրիստոսի
Մարմնին ու Արեան:

----- ու -----

ա. Ս. Յովհան Ոսկեբերան
բ. Ս. Գրիգոր Սքանչելագործ
գ. Ս. Անդրեաս
դ. Ս. Փիլիպպոս

8.- Ըստ ասանդութեան Հայաստանի
մէջ ո՞ւր կը հանդիպին Ս. Թադէոս եւ
Ս. Բարթողոմէոս առաքելները:

-----ի կամուրջին վրայ

4.- Մեր Եկեղեցւոյ 7 խորհուրդներէն
ո՞ր մէկը կը տրուի Ս. Պատարագին
ընդմէջէն:
ա. Մկրտութիւն
բ. Դրոշմ
գ. Ապաշխարութիւն
դ. Հաղորդութիւն

9.- Ամբողջացո՛ւր Ղուկաս 6.31-ի
ոսկեղէն համարը:

Ինչ որ -----
ձեզի ----- դուք ալ -----
անոնց:

5.- Խորհուրդին միջոցաւ
աստուածային շնորհներու
արժանանալու համար
հաւատացեալէն ի՞նչ կը պահանջուի:
ա.

10.- Ով է իրաւ Santa Claus-ը եւ ո՞ր
տիեզերական ժողովին մասնակցած
է:

ա. Ս. Ն----- Զ-----

բ. -----

2012-2013 Տարեշրջան (33րդ)

Գործունեություն`

Ամեն Կիրակի Ժամը 10:30 – 1:00

Մանկապարտեզ : Ա., Բ. եւ Գ. Դասարաններ	(3 - 5 տարեկան)
Նախակրթարան : Ա., Բ., Գ., Դ., Ե., Եւ Զ., Դասարաններ	(6 - 11 տարեկան)
Երկրորդական : Ա., Բ., Գ., Դ. եւ Ե. Դասարաններ	(12 - 16 տարեկան)

Յաւելեալ տեղեկութիւններու համար դիմել Տնօրէնին`

Թորոս Պապիկեան

Հեռ. (514)-956-1277 email director@sourphagop.org

Կայքէջ`

www.sourphagop.org

12-րդ տարի

Ամսաթերթ`

«Մաշտոցի Արձագանգ»

www.sourphagop.org/մաշտոցի_արձագանգ

20-րդ տարի